



Notat

Dato: 10.11.2019
Arkivsak: 2015/11453-222
Saksbehandlar: adelan

Til: Styret for Fagskolen i Hordaland

Frå: Fylkesdirektør opplæring

Uttale i samband med sak om rom og funksjonsprogram og samlokalisering

I telefonmøte 04.11.2019 handsama styret for Fagskolen i Hordaland ei uttale i samband med politisk sak om rom og funksjonsprogram og samlokalisering av fagskolen og Laksevåg og Bergen maritime vgs på Laksevåg.

Den politiske saka skulle ha vore handsama av Hovudutval for opplæring og kompetanse 12.11.2019 men er utsett til 28.11.2019.

Styret sin uttale følgjer under.

Dato: 04.11.2019
Stad: Telefonmøte

Tidspunkt 04.11.2019 kl. 09:00 – 09:30
Stad Telefonmøte, Videorom 2, Fylkeshuset

Til stade:

Leiar	Roald Kvamme
Eigarrep.	John Helge Gullaksen
Arbeidslivsrep.	Trond Sanne Haga
Tilsettrep.	Trude Amundsen
Studentrep.	Sebastian Hennig

Frå administrasjonen møte:

Utvalssekretær	Adeline Landro
----------------	----------------

Frå fagskulen møte:

Rektor	Torbjørn Mjelstad
--------	-------------------

Forfall:

Eigarrep.	Sara Hamre Sekkingstad
Arbeidslivsrep.	Anne Mette Koch

Uttale frå styret for Fagskolen i Hordaland i samband med sak om:

- **Rom- og funksjonsprogram for Fagskolen i Hordaland og**
- **Rom- og funksjonsprogram for Laksevåg og Bergen maritime vgs**

Styret har handsama sak om rom og funksjonsprogram (RFP) for Fagskolen i Hordaland og RFP for Laksevåg og Bergen maritime vgs i møte 4. november 2019 for å gje uttale i samband med politisk handsaming av saka. Styret vil gje uttale knytt til RFP for Fagskolen i Hordaland og tilhøve knytt til sambruk.

Løysinga med samlokalisering på Laksevåg var ein del av eit kompromiss der ein skulle løyse utfordringar knytt til det vidaregåande tilbodet og lokalisering av ein ny fagskule, og det er fatta politiske vedtak om samlokalisering av begge skuleslaga på Laksevåg. I ettertid er det kome store endringar i høve til fagskulesektoren med omsyn til innretninga av skuleslaget som høgare yrkesfagleg utdanning, og ønskje om stor vekst i talet på fagskulestudentar framover. Med bakgrunn i dette vil styret peike på at dersom veksten vidare vert i tråd med nasjonale målsettingar, er styret bekymra for at lokaliseringa til Laksevåg ikkje har moglegheiter for ytterlegare utviding eller vekst.

Som konsekvens av dei nasjonale målsettingane og føringane frå nasjonale styresmakter får fagskulen ein langt sterkare rolle i utdanningssystemet og koplinga til høgskulesektoren vert sterkare. Styret vil peike på at ein må byggje vidare på det gode samarbeidet som etablerast med Høgskulen på Vestlandet i høve til mellom anna sambruk, og at det no vert lagt til rette for fleire saumlause overgangar mellom fagskuleutdanning og høgskuleutdanning.

Rom og funksjonsprogram

Det er gjort eit omfattande og godt arbeid med RFP for Fagskolen i Hordaland som i seg sjølv tek omsyn til skuleslaget sin eigenart, men gir avgrensa rom for vekst utover det som er omtala i saksframlegget. Det er store forventningar til fagskulen frå både eigar, regionalt arbeidsliv og øvre styringsmakter i høve til å utvikle

og gje tilbod i tråd med lokalt, regionalt og nasjonalt kompetansebehov. Fagskolen i Hordaland er ein av dei skulane i landet som rekrutterer flest studentar nasjonalt, samtidig som det er ei stor etterspurnad lokalt. Dette er ei styrke for regionen i høve til å fylle opp tilbod som dekker kompetansebehovet både i eiga region og for andre regionar. Fagskular som ikkje får tilstrømming frå andre regionar vert avhengig av stor oppslutning lokalt for å kunne gjennomføre tilbod med ein berekraftig økonomi. Vidare syner RFP at det er tenkt nytt i høve til utnytting av laboratorium, simulatorar og andre spesialrom, og dette er svært positivt. Det er viktig å få til god utnytting av spesialrom og klasserom då desse er svært kostbare og ressurskrevjande, og ein bør få til ei gode samarbeidsavtale med høgskulen for best mogleg utnytting.

Vidare vil styret peike særskilt på at dei nye bransjeprogramma som legg opp til kortare og fleksible fagskuletilbod, og aukande behov for etter- og vidareutdanning / kursverksemd ikkje er ivareteke i RFP. Styret vil også peike på at det i RFP ikkje er teke høgde for dei behova studentane har for grupperom og andre stillerom t.d. lesesal o.l. Styret er også usikker på om det er nok kapasitet for vekst i talet på tilsette jf. veksten i talet på studentar.

Sambruk med Laksevåg og Bergen maritime vgs

Styret har det øvste ansvaret for studentane sitt arbeids- og læringsmiljø og vil igjen løfte fram at studentane er avhengig av gode fasilitetar for eigenstudie og prosjektarbeid spesielt knytt til hovudprosjekta. Styret meiner derfor det er viktig at slike areal vert utforma med god skjerming frå øvre aktivitet ved den vidaregåande skulen. Styret har gjennom studentdemokratiet ved fagskulen fått klare tilbakemeldingar om at det er utfordringar knytt til sambruk med vidaregåande skule i dag. Studentrepresentanten i styret viser også til at Organisasjon for norske fagskolestudenter (ONF) ønskjer eit tydeleg skilje mellom fagskule og vgs.

Vidare har styret i tidlegare uttale i samband med sak PS 22/2017 «Fagskolen i Hordaland og yrkesfagleg vidaregåande skule samlokalisert på Laksevåg», som vart handsama i fylkestinget 07. mars 2019, uttrykt behov for at fagskulen skal stå fram som eit eige skuleslag i eit eige bygg. Trass i at fagskulesektoren dei siste åra har fått stor merksemd gjennom fagskulereforma er det framleis mange som kjenner for lite til kva ein fagskule er og kva moglegheiter som eksisterer innan høgare yrkesfagleg utdanning. På bakgrunn av dette vil styret framheve viktigheita av at det vert bygd eit skulebygg som er synleg og visar skuleslaget sine kvalitetar.

Avsluttande merknad:

RFP omtalar at fagskulestudentar får fagskulepoeng men dette er jf. fagskulelova endra til studiepoeng.